

Injil untuak anak-anak
hadiah

Paskah
Partamo



Ditulis oleh: Edward Hughes

Diilustrasikan oleh: Janie Forest
Alastair Paterson

Diadaptasi oleh: Lyn Doerksen

Diterjemahkan oleh: christian-translation.com

Diproduksi oleh: Bible for Children
www.M1914.org

©2021 Bible for Children, Inc.


Lisensi: awak punyo hak manyalin atau mancetak carito iko,
salamo awak indak manjual nyo.



Padusi itu tagak di lereng bukik nan mamakak. Matonyo nan sadiah mancaliak pamandangan nan mangarikan. Anak laki-laki nyo sedang sekarat. Ibuk itu iolah Maria, dan beliau tagak didakek tampek Yesus dipakuan di kayu salib.



Bagaimano sadonyo iko bisa tajadi? Bagaimano bisa Yesus mangakhiri kahidupan nan bagitu indah jo caro nan baitu mangarikan? Bagaimano mungkin Tuhan mabiarkan anak-Nyo untuak di paku di kayu salib untuak maningga disitu? Apokah yesus mambuek kasalahan tentang sia inyo? Apokah tuhan gagal?



Indak! Tuhan indak gagal. Yesus indak mambuek ciekipun kasalahan. Yesus salalu tau bahwo inyo andak dibunuah oleh urang urang jaek. Bahkan katiko Yesus masiah bayi, saurang laki-laki tuo banamo simon mambari tau maria tentang kasadiahan nan tabantang di muko.



Barapo hari sabalum
Yesus dibunuah, tibo
saurang padusi dan
manuangkan minyak
wangi ka kaki-Nyo.
"Inyo mambuang-buang
pitinyo," keluh para murid.
"Inyo alah malakukannyo
sangaik baiak." Yesus bakato. "Inyo malakukan
nyo untuak panguburan Den." Sungguah aneh!



Sasudah itu, Judas, salah saurang dari duo baleh murid Yesus. Mangkhianati Yesus kapado para pendeta kapalo untuak tigo puluh kapiang perak.



Pado pesta Paskah Yahudi, Yesus malakukan pajamuan tarakhir jo para murid-Nyo. Inyo mambari tau andak hal-hal indah manganai Tuhan dan janjiNyo kapado urang nan mangasiahi-Nyo. Kamudian Yesus mambarikan roti jo cawan untuak babagi di antaronyo. Iko untuak mangingekkan inyo bahwo tubuh dan darah Yesus diagiah untuak mambaok pangampunan ateh doso.



Kamudian Yesus mambari tau kawan-kawan-Nyo bahwo inyo andak dikhianati dan urang itu akan malarikan diri. "Den indak akan malarikan diri," Peter basikareh. "Sabalum ayam bakukuak, kau andak manyangkal den sabanyak tigo kali," Yesus bakato.



Malamnyo,
Yesus pai badoa di
Taman Getsemani.
Murid murid nan
basamoNyo alah
talalok. "Oh Apak
Den," Yesus badoa,
"Padiakan cawan
iko balalu dari Den.
Namun demikian,
indak samo nan den
inginkan malainkan
samo nan BALiau
inginkan."



Tibo-tibo warga babondong bondong
mandatangi taman, dipimpin oleh
Judas. Yesus indak malawan, tp
peter mamotong talingo saurang.
Jo palaha, Yesus mamacik
talingo urang tasabuik dan
manyambuahkannya.
Yesus tau bahwo
panangkapan-Nyo
marupakan
kainginan Tuhan.




Warga mambaok Yesus ka rumah pandeta tatinggi.
Disitu, pamimpin Yahudi bakato bahwo Yesus harus
mati. Di dakeknyo, peter
tagak disampiang api
para palayan dan
mangawasi.



Tigo kali urang-urang manatap Peter dan bakato,
"Kau basamo Yesus!" Tigo kali peter mambantahnyo,
samo nan Yesus katokan.
Peter bahkan mamaki
dan mangutuak.




Ayam bakukuak




Sakatiko, ayam bakukuak.
Itu samo jo suaro Tuhan
bagi Peter. Mangingek
kecek Yesus, Peter
manangih sangaik sadiah.





Judas manyasa pulo. Inyo tau
yesus indak basalah ateh doso
atau ka jaek an apopun. Judas
mangambalian tigo puluh
kapiang perak, tapi para
pendeta manolak nyo.





Judas mambuang piti
tasabuik, pai kalua dan
manggantuang diri.



Para imam mambaok Yesus
kamuko Pilatus, Gubernur Romawi.
Pilatus mangecek, "Den indak
manamukan kasalahan pado
Pria iko." Tapi warga
taruih manangih,
"Salib inyo!
Salib inyo!"




Akhirnyo Pilatus manyarah, dan manghukum mati Yesus di salib. Para prajurit manokok Yesus, maludahi muko-Nyo, dan mancambuak-Nyo. Urang mambuek mahkota dari duri tajam panjang nan kejam dan manempekan ka kapalo-Nyo. Kamudian urang mamakukan-Nyo di kayu salib sampai mati.



Yesus tau bahwo inyo akan mati jo caro bantuak itu. Inyo juo tau bahwo kamatian-Nyo andak mambarikan pangampunan untuak para pandoso nan mampicayoi-Nyo.

Duo urang pajaek di salibkan disampiang yesus. Ciek urang picayo pado Yesus dan pai ka sarugo. Nan lainyo indak.



Sasudah mandarito salamo bajam jam, Yesus bakato, "Alah salasai" dan mati. Karajo Yesus alah salasai. Kawan-kawan-Nyo mangubuaan Yesus di pamakaman pribadi.



Kamudian prajurit Romawi
manyegel dan manjago
makam itu. Kini indak
ado nan dapek masuak
ataupun kalua.



Jiko iko marupokan akhir
dari sabuah kisah, batapo
manyadiahkannyo iko.
Tapi Tuhan malakukan
suatu nan sangaik
manakjubkan. Yesus
indak tetap mati!




Pagi pagi sakali pado hari partamo minggu itu, babarapo murid Yesus manamukan kuburan nan sudah tabukak. Katiko di caliak, Yesus alah indak ado disitu.



Saurang padusi tetap tinggal
dan menangis di kuburan. Yesus
menampakan diri padonyo. Padusi
itu bagageh baliak jo sanang ati
untuak mambari tau murid
murid lain nyo. "YESUS
MASIAH HIDUIK! INYO
BALIAK DARI

KAMATIAN!"





Yesus sagiro datang kapado murid-murid-Nyo. Dan manunjuakan murid-murid-Nyo tangan-Nyo nam tadapek bekas luka di paku. Iyo bana. **YESUS HIDUIK BALIAK!** Inyo mamaafkan Peter karano manyangkal-Nyo, dan mambari tau murid-murid-Nyo untuak mambari tau sadonyo urang tentang Nyo. Kamudian inyo baliak ka sarugo dimano inyo barasal.



Paskah Partamo

Sabuah carito dari firman tuhan, Injil

Didapekan di

Matius 26-28, Lukas 22-24,
Yohanes 13-21

"Jalan masuak firman-firmanNyo mambarikan
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso iolah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko iolah sabuah kebenaran, kecekan iko kapado Tuhan: Ya Yesus, Ambo picayo bahwo Engkau iolah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalam iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

